


*Unguis ne-  
xus.*

tium uim cartilaginum ritu facile exoluunt, leui quaq; occasione afficiantur. Ob eandem hanc causam gibba constant superficie, quod hac figura iniurijs resistendis melius cōparentur. Quò minus uerò suspensi uacillent, ligamento quodam extremi digitorum ossis radici, eorum superiori termino colligantur. Quoniam autem carni cutiq; illos connasci operae precium fuit, haec extrinsecus uniuersae radici circū datur, illa interius usque quaq; subnascitur. In radicem ipsam, non modò arteriam uenamq; sed etiam neruum porrigi Galenus attestatur, atque unguis ex his sensum, uitam & alimentum aliarum partium modo assumere scribit. Scio quidem non solum duos<sup>a</sup> neruulos ad unguium usque radicem ferri, sed eosdem cum<sup>b</sup> uenis sub unguibus quoq; ad digiti extremum repere. unguis autem interim sensus omnis expertes esse arbitror. Ac proinde non leuiter illorum, qui unguis ex ossis, nerui, cutis (quidam & carnis addunt) concretionem gigni censent, sententiae accedo. Quòd uerò uenae, arteriae & nerui, quemadmodum in hortis alueoli, in unguibus non dispenfentur, uel hinc constat, quòd pilorum modo ab radice procedentes augeantur. Satiùs enim erat, & hos pilorum ritu semper renouari, atque quum indies atterantur, nunquam non incrementū admittere, quod potius in longum quam latum & profundum assumunt.

### DE PALPEBRARVM CARTILAGI- NIBVS. Caput XXXV.



*HAC figura superioris inferiorisq; palpebrae cartilaginem à reliquis partibus liberam delineauimus, ac ipsam, quum alioquin sit nota, nullis characteribus insigniuimus.*



TRI QVE palpebrae, tam inferiori quam superiori, una contigit cartilago, utcumq; mollis & longa, in palpebrarumq; extremo quā illae inuicem conuiuent, locata & inter cutem & membranulā palpebras intus succingentem reposita. Huic cartilagini palpebrarum pili (quos cilia uocant) infiguntur, in illaq; tanquam in durius quoddā solum inserti eriguntur. Ideo enim cartilaginee hae (quas ab illa pilorum serie, remorumq; in longis nauibus, seu, ut uocant, galeris, similitudine *remos* uocamus) potissimum creantur, ut pilos illos erectos, neq; caeterorum pilorū modo flaccidos dependentesq; contineant. dein etiam creantur, ut<sup>a</sup> musculorum palpebras mouentium implantationi subseruiant, quemadmodum opportunè in secundo libro eorum musculorum naturam explicantes docebinus.

### DE AURIS CARTILAGINE. Caput XXXVI.

QUONIAM auris cartilago cuti illi obducta exquisitè libera, auris ipsius for-  
mam, ablata eius pinnula, exprimit, abs re esset hic aurem nulli non obuiam delineare.



VI S potissimum auris in excipiendis aëris conuolutionibus gyrisq; usus censeatur, quibusq; nominibus auris sedes donetur, in auditus organi constructionis sermone libro septimo exequendum est. hic autem obiter auris recensenda uenit cartilago, quae auris formam referens in hoc formatur, ut cute uestita auris corpus instar uanni cōstituatur, idemq; commodè sustineat, & erectum seruet. Est autem haec cartilago mollis & tenus, tanto semper à capitis ossē uersus auris extrema mollior euadēs, quāto auris orbiculo propius accedit, & quo minus sustinere aliquid debet. Ac proinde etiam in auris pinnula huius cartilaginis nulla exporrigitur portio, quòd scilicet hanc propendentem, neque erigi neque suffulciri oporteat. Porro ad temporis os haec cartilago durior sentitur, & ut firmiori radice hreat, crassior. Enascitur enim ex orbiculo<sup>a</sup> foraminis auditus meatui in temporis ossē caelati, cuius circumferentia ideo exasperatur, ut promptius auris cartilaginē educat. Quamobrem uerò Natura ex huiusmodi cartilagine aurem constituerit, & non duriores aliquam ossēamq; cartilaginem, aut uerum os ipsi indiderit, in secundo praesentis libri Capite executus sum, quum Naturam tanta prouidentia cartilaginis temperiem finxisse dicerem, ut haec ossis modo sustineat quidem commodè: & interim adeò mollis sit, ut occurrantium impetu non rumpatur, sed cedendo leuiter eum exoluat, atque ita extremas partes iniurijs ferendis pertinaciores, quā si ossēae essent, reddat.

DE

### DE HVMANI CORPORIS FABRICA LIBER I. DE NASI CARTILAGINIBVS. Caput XXXVII.


QUANQVAM nasi cartilaginee tactu ante sectionem debite dignoscantur, nihilo minus tamen, quartae musculorum tabulae nasus has literis K & L utcumq; proponit.



ERV M opificem terminum extremumq; nasi cartilaginibus eadem ratione extruxisse, qua auris cartilaginem paulo antè procreatā diximus, quadrupedum nasi extremum fere comprobatur, quod minori amplitudine, quā hominis nasi terminus cartilaginē exiit: qui etiam extra reliquam faciei superficiem magis, quā quadrupedum nasus prominet. Ab inferiori itaq; nasi ossium sede, qua haec aspera & latiora, quā superiori<sup>b</sup> sede sunt, duae enascuntur cartilaginee, quae deorsum in anteriora exporrectae, inuicemq; cōiunctae sensim molliores euadunt, ac in nasi extremo ueluti in cartilagineum ligamentum degenerantes, totam anteriorem nasi regionem constituunt, quae à nasi ossium inferiori sede ad nasi terminū apicemq; pertinet. Ab ossēo autem septo narium foraminis dirimente, quod octauo Capitis<sup>c</sup> ossis partem esse supra cōmemorauimus, alia enascitur cartilago, mollis quoq; ac ligamenti naturae compos, quae à tota anteriori septi illius sede antrosum procedens, internae duarum primarū cartilaginum regioni secundum ipsarum longitudinem adnascitur. Haec pari ratione in ea nasi parte, quae ueluti ex faciei planicie porrigitur, nasi foramina interdiuidit, quemadmodū ossium illud septum ipsa<sup>c</sup> foramina inibi disungit, quae super palati regionem, à naso ad fauces usq; ducuntur. His tribus nasi cartilaginibus aliae duae, utrinq; nimirum singulae accedunt, quae magis adhuc alijs cartilaginibus ligamentorū naturae participant, & orbiculatim singulae unum nasi foramen constituunt. Cartilaginee hae internis suis lateribus inuicem colligantur, & aliarum nasi cartilaginum extrema integunt, solaeq; motu donantur uoluntario, cuius ope sursum deorsumq; & introrsum extrorsumq; uellunt, proprijs in hoc donatae<sup>d</sup> musculis. Harum cartilaginum latiores mollioresq; partes in nasi lateribus consistunt, ac nasi alae nuncupantur, quòd quasi alarū modo nares occludant, referentq; ita homini inter respirandū insignem usum praebentes. At quū hae nasi cartilaginee uel solo tactu cognosci possint, nō est quòd prolixius earū naturā exequar: utcumq; etiā uel solius Gallici morbi nomine (qui has crebro infestat) ipsarū structuram medicis nō oscitanter expendendā duxerim.

### DE ASPERAE ARTERIAE CARTI- LAGINIBVS, ac quid Graecis in hac *γλωττις* & *ωδύλωττις* nuncupetur. Caput XXXVIII.

PRIMA TRI-  
GESIMI OC-  
taui Capitis figura toti-  
us asperae arteriae ab o-  
mnibus partibus libe-  
rae anteriorem faci-  
em expri-  
mens,



SECUNDA  
FIGURA, A,  
asperae arteriae caudicis  
posterior facies delinea-  
tur. ab re enim fuisset,  
& huic figurae, quemad-  
modum primae, ramo-  
rum in pulmonem sub-  
stantiam pertinentium  
seriem appingere, quā  
illam prima figura  
abundè oculis  
subijciat.

N 4 TER.